

內經運氣病釋
內經運氣表

附內經遺編病釋
世補齋醫書之三
世補齋醫書之四



中華民國二十年十二月出版

▲世補齋醫書之三

（內經運氣病釋）
（內經運氣表）

▲全書一冊定價二

著 者 元 和 陸 九

重 校 者 上 海 秦 伯 未

印 刷 者 暨 上 海 中 醫 書 局

山 東 路 十 三 號

代 售 者 各 省 各 大 書 局



南京中醫藥大學圖書館版權所有

世補齋醫書之三

內經運氣病釋

附內經遺篇病釋


上海中醫書局印行



弁言

吾友陸九芝封公。爲鳳石中盾尊人。鳳石供奉。內廷。君就養京邸。生平以著述自娛。而尤邃於醫學。嘗語余曰。淮南子有言。所以貴扁鵲者。知病之所從生也。所以貴聖人者。知亂之所由起也。此以治病喻已亂。與內經之以已亂喻治病者。意別。而所以知病所從生。則盡在天元紀七篇。陰陽五行中。自醫者不讀此七篇。而有病之始生。皆不知其所自。此余內經病釋。所由獨舉此七篇而作也。夫病之生也。豈能外陰陽五行之理。故即內經他篇所言病。亦無不可。由此以推。君所釋雖止七篇。直不啻通一部內經。而盡釋之。厥功偉矣。若以爲此七篇者。本言運氣。卽謂此書專爲運氣發。是豈君志哉。君與余同里閭。回首少年。名場角逐。忽忽若前日事。今君見君書之成。非第爲病者幸。實當爲斯道幸也。君書凡三十三卷。皆醫學中不可少之作。此尤其蚤歲所獨得。而今亦不肯終祕焉。因乞一言以弁簡端。時余奉命視學兩。瀕行有日矣。倚裝書此。願以告後之讀君書者。

光緒十年甲申春三月吳劉廷枚



內經運氣病釋自序

素問自天元紀以下七篇。皆言五運六氣。天時民病。同異生化之原。正反逆從之治。而先於六節藏象篇。發其端。凡在天人氣交之病。非此不能知也。夫治病不外乎五行。五行又不外乎陰陽。而言五行者。不知言合化之五行。言陰陽者。又不知言過不及之陰陽。則陰陽非此陰陽。五行亦非此五行矣。况并陰陽五行之不言。爲知所謂氣交者哉。爰就內經之言運氣者。首列經文。民病於上。卽以氣交之旨。櫛括而疏通之。并以宋人陳無擇三因十六方。國朝江陰繆問芳遠氏十六方。解附焉。或有疑而詰之者。曰。人病來也。何有常。而子獨以運氣爲言。豈能於人身之病。定相合耶。然而余之意。本不爲是也。經曰。善言天者。必應於人。善言古者。必驗於今。人身一小天地。天地之生長收藏。備於人身。人身之盛衰虛實。同於天地。論司天。固足以明天道。卽不論司天。而人在氣交之中。卽因氣交而爲病。於古如是。於今如是。卽仲景論傷寒。所以撰用素問者。亦無不如是。蓋非是則不知病之所以爲治。并不知人之所以爲病。乃自有馬元素程德齋之徒。索隱行怪。流入異端。而人不解內經大義。遂繼之以不信。於是而凡六經之病之生於氣交者。無人能道。曷怪其謂內經運氣。若與於六經。而且爲仲景之論。亦無與於內經運氣乎。故莫若揭此七篇病因治法。以求六經病所由來。而六經之何由而病。病之何由而治。既可以內經之言。明仲景之法。并可以知今人之病。無一不出於內經之言。天元紀以下七篇。所以不可廢也。豈必拘泥乎運氣哉。是編也。余於同治乙丙歲。來往吳淞峯泖間所作。藏之篋衍。二十年矣。今命子潤庠重加編次。將以授諸梓人。乃自述其作書之意如此。

光緒十年甲申人日陸懋修書於邸舍之雙娛堂

世補齋醫書 內經運氣病釋目錄

卷一

六節藏象論篇（釋六條）

天元紀大論篇（釋五條）

五運行大論篇（釋一條）

六微旨大論篇（釋二條）

氣交變大論篇（釋五十八條）

卷二

五常政大論篇（釋四十一條）

卷三

六元正紀大論篇（釋一百十條）

卷四

至真要大論篇（釋四十九條）

卷五

至真要大論篇（釋五十四條）

卷六



南京中醫藥大學圖書館版權所有

至真要大論篇（釋七十五條）

卷七

至真要大論篇（釋二十條）

卷八

氣交篇陳氏十方繆氏十方解（釋十條）

卷九

六元篇陳氏六方繆氏六方解（釋六條）

附內經遺篇病釋一卷（釋十九條）

卷二

素問經大論篇（釋五十八條）

六元篇大論篇（釋二十二條）

六元篇大論篇（釋二十二條）

六元篇大論篇（釋二十二條）

六元篇大論篇（釋二十二條）

卷一

上海中醫書局發行 內經運氣病目錄



世補齋醫書 內經運氣病釋一

元和陸懋修九芝釋

上海秦伯未重校

六節藏象論篇

天以六六之節以成一歲。此言日六竟而周甲。甲六復而終歲。三百六十日法也。

五日謂之候。三候謂之氣。六氣謂之時。四時謂之歲。此言一歲之日各從五行之氣而主治也。

五運相襲而皆治之。終朞之日周而復始。時立氣布。如環無端。故曰不知年之所加。氣之盛衰虛實。不可以為

工矣。此言五運統歲。歲立四時。時布六氣。工不可不知也。

太過不及各有所勝。求其至也。皆歸始春。此言春為四時之長。故凡候氣者皆當始於立春日也。

未至而至。此為太過。則薄所不勝。而乘所勝也。至而不至。此為不及。則所勝妄行。而所生受病。所不勝薄之也。

此言民病之所由作也。

天食人以五氣。地食人以五味。此言治法之所從出也。

天元紀大論篇

天有五行。御五位。以生寒暑燥溼風。人有五藏。化五氣。以生喜怒思憂恐。此言人之五藏。本於天之五行也。

神在天為風。在地為木。在天為熱。在地為火。在天為溼。在地為土。在天為燥。在地為金。在天為寒。在地為水。

此言在天為氣。即在地成形。上下相召。而損益彰也。



甲巳之歲。土運統之。乙庚之歲。金運統之。丙辛之歲。水運統之。丁壬之歲。木運統之。戊癸之歲。火運統之。此蓋天之十干。以合化而成五運也。

子午之歲。上見少陰。丑未之歲。上見太陰。寅申之歲。上見少陽。卯酉之歲。上見陽明。辰戌之歲。上見太陽。巳亥之歲。上見厥陰。此言地之十二支。以正化對化。而成六氣也。

厥陰之上。風氣主之。少陰之上。熱氣主之。太陰之上。溼氣主之。少陽之上。相火主之。陽明之上。燥氣主之。太陽之上。寒氣主之。此言三陰三陽之本。是為六元。亦即所謂天元也。

五運行大論篇

氣有餘。則制已所勝。而侮所不勝。其不及。則已所不勝。侮而乘之。已所勝。輕而侮之。侮反受邪。侮而受邪。寡於畏也。此言已不務德。或所勝妄行。有勝必有復。復則已反受邪。亦民病所由作。而治法所從出也。

六微旨大論篇

亢則害。承迺制。制則生化。此言亢必受制。而非制不生也。病如是。治亦如是。言天者。求之本。言地者。求之位。言人者。求之氣。交氣交之中。人之居也。氣交之分。人氣從之。萬物由之。此言民病在於氣交。治亦當於氣交求之。工不可不知也。

氣交變大論篇

歲土太過。雨溼流行。腎水受邪。此言六甲陽年。太宮運。土勝水。水受克。水之子。木來復也。民病腹痛清。厥意不樂。體重煩冤。此土邪傷腎。既脾志不舒。而心腎亦不交也。甚則肌肉萎。足痿不收。行善瘧。脚下痛。此土邪有餘。脾經自病。發為痿脾也。脾司肌肉者也。



飲發中滿食減。四支不舉。此土氣太過而水氣不行也。飲痰飲也。

腹滿漉泄腸鳴。此土盛水衰。水氣伏而土氣獨行也。

反下甚。此水爲土克而水之子木以風氣復之也。木復而土病。始則有餘而侮。繼則侮反受邪。故土自病而

利不止。

太谿絕者不治。此腎脈也。土亢則腎氣絕。敦阜之紀有之。

歲土不及。風迺盛行。化氣不令。此言六已陰年。少宮運。土不及。木勝土。土之子金來復也。

民病殄泄。霍亂體重。腹痛筋骨繇復。肌肉腠酸。善怒。此土不及而木乘之。皆脾弱肝強之病也。

成病寒中。此土氣不及。寒水無畏。水氣獨行而土火並衰也。惟己巳亥年。相火在泉。民得無病。

腹則胸脇暴痛。下引少腹。善太息。此土衰木亢而土之子金以燥氣復之。肝膽同病也。土不足不生金。金失

蔭亦來復。後凡不及之年皆放此。

氣客於脾。食少失味。此以土不及則脾不磨穀。運化不速也。

土不及其病內舍心腹。外在肌肉四支。此亦土衰之病。卑監之紀有之。

歲金不及。炎火迺行。生氣迺用。長氣專勝。此言六乙陰年。少商運。金不及。火勝金。金之子水來復也。

民病肩背脊重。欬噎。血便注下。此金受火邪而金之母土亦病也。勝金之火爲木火。金不及則木寡於畏。所

勝妄行也。木妄行則土受其克。所生受病也。後皆放此。

復則頭腦戶痛。延及腦頂。發熱口瘡。甚則心痛。此金衰火亢而金之子水以寒氣復之也。寒甚於下。則格陽

於上。



金不及。其病內含膺脇肩背。外在皮毛。此亦金衰之病。從革之紀有之。

歲金太過。燥氣流行。肝木受邪。此言六庚陽年。太商運。金勝木。木受克。木之子火來復也。

民病兩脇下。少腹痛。目赤痛。皆傷耳無所聞。體重。胸病引背。此金制其所勝之木。肝藏既傷。而膽府亦病也。

甚則喘欬逆氣。肩背痛。尻陰股膝脾膈。胫足皆病。此金燥過甚。肺金自病。金不生水。而水藏亦病也。

反暴痛。肱脇不可反側。欬逆甚而血溢。此金盛傷肝。而木之子火。以熱氣復之。金反自病也。

太衝絕者不治。此肝脈也。金亢則肝氣絕。堅成之紀有之。

歲水太過。寒氣流行。邪害心火。此言六丙陽年。太羽運。水勝火。火受克。火之子土來復也。

民病身熱。煩心躁悸。陰厥上下中寒。譫妄心痛。此水盛火衰。心臟受邪。而神氣內虛也。上謂手。下謂足。

甚則腹大脰腫。喘欬。寢汗出憎風。此水邪有餘。土不能制。水氣妄行。腎藏自病也。於丙辰丙戌天符之歲尤甚。

反腹滿腸鳴。漉泄。食不化。渴而妄冒。此水邪侮火。而火之子土。以溼氣復之。心氣不舒也。

神門絕者不治。此心脈也。水亢則心氣絕。流行之紀有之。

歲水不及。溼酒盛行。長氣反用。此言六辛陰年。少羽運。水不及。土勝水。水之子木來復也。

民病腹滿身重。濡泄。寒瘍。流水。腰股痛發。脛膈股膝不便。煩寃足痿。清厥。脚下痛。甚則跗腫。此土邪傷腎。關節不利。火鬱而溼亦不行也。

寒疾於下。甚則腹滿浮腫。此土溼太過。陽光不治。而大寒在下。腎氣傷也。於辛丑辛未寒水在泉之年尤甚。

復則面色時變。筋骨併辟。肉暎痠。目視眩眩。肌肉眇發。氣并鬲中。痛於心腹。此水衰土亢。而水之子木。以風



南京中醫藥大學圖書館版權所有

氣復之中土亦病也。

水不及其病。內含腰脊骨髓。外在谿谷踈膝。此亦水衰之病。涸流之紀有之。

歲木不及。燥酒盛行。生氣失應。此言六丁陰年。少角運。木不及。金勝。木之子。火來復也。

民病中清。肢脇痛。少腹痛。此金邪乘木。而肝虛之爲病也。

腸鳴漉泄。此清氣在中。而木不生。火脾之寒也。於丁卯丁酉兩年。以金遇金。尤甚。

復則病寒熱瘡瘍。癆疹。癰瘰。欬而嘔。此木衰。土亢。而木之子。火以熱氣復之。病在肺之合也。

木不及其病。內含肢脇。外在關節。此亦木衰之病。委和之紀有之。

歲木太過。風氣流行。脾土受邪。此言六壬陽年。太角運。木勝。土土受克。土之子。金來復也。

民病殮泄。食減體重。煩冤腸鳴。腹支滿。此木鬱。土中。脾土受病。而水穀不化也。

甚則忽忽善怒。眩冒巔疾。此木勝。肝強。厥陰之脈。隨督脈。會於巔。而火上逆也。

反脇痛而吐甚。此土爲木克。而土之子。金以燥氣復之也。侮反受邪。故肝病而胆亦病。

衝陽絕者不治。此胃脈也。木亢則胃氣絕。發生之紀有之。

歲火太過。炎暑流行。金肺受邪。此言六戊陽年。太徵運。火勝。金受克。金之子。水來復也。

民病瘧。少氣欬喘。血溢。血泄。注下。此火乘肺。金其性急速。而肺與大腸。又相表裏。故逼血妄行於上下也。

隘燥耳聾。此水不上升。而少陽之火。又行身之側也。

中熱肩背熱。此火不下降。而燔灼於中。且游行於上也。

甚則胸中痛。脇支滿。兩脇痛。膺背肩胛間痛。兩臂內痛。此皆手心主所行之處。火盛。故包絡代君受邪。而爲



南京中醫藥大學圖書館版

病也。

身熱骨痛。而為浸淫。

此火氣浮越於外。熱傷皮絡。而為浸淫瘡也。於子午寅申四戌年。上臨君相二火其熱

尤甚。

反譴妄狂越。欬喘息鳴。下甚血溢泄不止。此火盛金衰。而金之子水。以寒氣復之也。復則心反受邪。故譴病

同於首條而加甚。

太淵絕者不治。此肺脈也。火亢則肺氣絕。赫曦之紀有之。

歲火不及。寒迺盛行。長政不用。此言六癸陰年。少徵運。火不及。水勝火。火之子土。來復也。

民病胸中痛。脇支滿。兩脇痛。膺背肩胛間。及兩臂內痛。此火不足。則陰邪盛。而心氣傷也。六戊歲。火太過。六

癸歲。火不及。其病相同。而一熱一寒。即分於徵運之剛柔。

鬱冒矇昧。心痛暴痞。此水制其火。心氣寒而不舒也。

胸腹大。脇下與腰背相引而痛。甚則屈不能伸。髓脾別別。此火虛而水逆。陰寒凝滯。陽氣不行也。

復則病驚漉。腹滿。食飲不下。寒中。腸鳴泄注。腹痛。此火衰水亢。而火之子土。以濕氣復之。反侵水藏。而水之

為害益甚。病在內也。

暴擊痿痺。足不任身。此土制其水。而水氣不行。病在外也。

火不及。其病內舍膺脇。外在經絡。此亦火衰之病。伏明之紀有之。

凡此氣交所變之病。以甲己乙庚丙辛丁壬戊癸年為序者。所以明合化之義。而中運五音之太少。亦因此

而見也。



內經運氣病釋二

五常政大論篇

敷和之紀。其病裏急支滿。此言中運。風木之平氣。其病宜在筋也。肝主筋也。凡人當運氣中。應有之證。得助。得制。即可無病。病亦不甚。故曰平氣。後凡言平氣者。放此。

升明之紀。其病暈。此言中運二火之平氣。其病宜在脈也。血脈生於心也。

備化之紀。其病否。此言中運濕土之平氣。其病宜在肉也。脾司肌肉者也。

審平之紀。其病欬。此言中運燥金之平氣。其病宜在皮毛也。皮毛肺之合也。

靜順之紀。其病厥。此言中運寒水之平氣。其病宜在骨也。腎主骨也。

委和之紀。其病搖動注恐。又病支廢。癰腫瘡瘍。此言中運木不及而從金化。金又刑木。木生火也。

伏明之紀。其病昏惑悲忘。此言中運火不及而從水化。心陽為陰所遏也。

卑監之紀。其病留滿否塞。又病殮泄。此言中運土不及而從木化。風又勝之。是為腸風也。

從革之紀。其病噎欬。此言中運金不及而從火化。肺家每有風熱也。

涸流之紀。其病痿厥堅下。又病癰。此言中運水不及而從土化。土邪又歸於腎也。

發生之紀。其病怒。又病吐利。此言中運木太過而又克土。故上吐下瀉也。

赫曦之紀。其病笑瘧。瘡瘍血流。狂妄目赤。又病瘧。按瘧字當作瘧。此言中運火太過而又克金。故病

燥也。



敦阜之紀。其病腹滿。四支不舉。此言中運土太過。而本經自病。脾主四肢也。

堅成之紀。其病喘喝。胸憑仰息。又其病欬。此言中運金太過。而本經自病。肺為諸氣長。故病有欬也。

流衍之紀。其病脹。此言中運水太過。而長氣不化。火不生土也。

厥陰司天。風氣下臨。脾氣上從。此以己亥歲半以上。風化於天。歲半以下。火行於地言也。

民病體重。肌肉萎。食減口爽。此風氣臨下土之所畏。故脾氣從而病也。食減口爽。即損穀則愈之謂。

目轉耳鳴。此言肝膽同見。風木之病。以上皆天氣所生病也。

赤沃下。此火行於地。而見尿血。為地氣所生病也。

少陽在泉。其治苦酸。按此當云酸苦。是年上木則下火。風熱交加。酸屬木。以治其上。若屬火。以治其下。

不兼間味者。與少陽司天同也。義見後。

少陰司天。熱氣下臨。肺氣上從。此以子午歲半以上。熱化於天。歲半以下。燥行於地而言也。

民病喘嘔。寒熱。嚏。鼻窒甚。則瘡瘍燔灼。此火氣臨下金之所畏。故肺氣從之。而逆天氣所生病也。

脇痛善太息。此燥行於地。甲木受傷。為地氣所生病也。

陽明在泉。其治辛苦甘。按此當云云苦辛甘。是年上火則下金。燥熱交結。若屬火。以治其上。辛屬金。以

治其下。必兼甘者。火金之間味也。甘屬土。為火之子。為金之母。故能調和於火金之間。

太陰司天。溼氣下臨。腎氣上從。此以丑未歲半以上。溼化於天。歲半以下。水行於地言也。

民病胸中不利。陰痿。氣大衰。此溼氣臨下水之所畏。故腎氣亦從而不用也。

反腰腫痛。厥逆。此以土王之時。腎病尤甚。轉搖不便。皆天氣所生病也。



南京中醫藥大學圖書館版及所有

心下否痛。少腹痛。此水行於地。心火受制。火不生土。而時害於食。皆地氣所生病也。

太陽在泉。其治淡鹹。是年。上土則下水。寒溼內蘊。淡屬土。即土之薄味。以治其上。鹹屬水。為水之正味。以治

其下。水土既平。故不兼間味也。

少陽司天。火氣下臨。肺氣上從。此以寅申歲半以上。火化於天。歲半以下。木行於地言也。

民病欬噎。鼽。鼻窒。口瘍。寒熱附腫。此火氣臨下。金之所畏。故肺氣亦從而上逆。與少陰司天。略同。皆天氣

所生病也。

心痛。胃脘痛。厥逆。鬲不通。此風行於地。肝木自王。為地氣所生病也。

厥陰在泉。其治酸苦。按此當云苦酸。是年。上火則下。木風熱為災。苦屬火。以治其上。酸屬木。以治其下。

木火合德。故不兼間味。

陽明司天。燥氣下臨。肝氣上從。此以卯酉歲半以上。燥化於天。歲半以下。火行於地言也。

民病脇痛。目赤。掉振鼓慄。筋痿不能久立。此燥氣臨下。木之所畏。故肝氣亦從而上逆也。肝竅在木。而主風

主筋。已所勝者。輕而侮之。皆天氣所生病也。

小便變。寒熱如瘧。甚則心痛。此熱行於地。而病肺。心火在陰分。鬱而不伸。為地氣所生病也。

少陰在泉。其治辛苦甘。是年。上金則下。火燥熱交侵。辛屬金。以治其上。苦屬火。以治其下。甘味義見前。

太陽司天。寒氣下臨。心氣上從。此以辰戌歲半以上。寒化於天。歲半以下。土行於地言也。

民病心熱。煩。噎。乾。善渴。鼽。嚏。喜悲。數欠。善忘。甚則心痛。此寒氣臨下。火之所畏。故心氣從而上逆也。水勝為

寒。火鬱為熱。熱氣妄行。寒又復之。皆天氣所生病也。

